



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Vicarijs foraneis, Regionumque Præfectis constituendis, & eorum officio.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

alijsq; personis, temporali, vel eam spirituali misericordia indigentibus: quibus, & ipse pro iuribus opitulari, & alios suo exemplo, & horatu ad id officium incitare studeat.

6. Præcipue vero de ijs omnibus sæpè certiores faciat Episcopum, ut, qui communis eorum pater est, iisdem paternam curam, & pietatem, quacumque poterit ratione, præstet.

Quamobrem etiam Episcopus quotannis per sacra quatuor anni tempora sue civitatis Parochos adhibebit; & illis de eorum animarum statu, quarum cura præpositi sunt, diligenter interrogatis, omnia commemoret, quæ eorum officij munus continent; eisq; & Doctoris diligentiam, & Pastoris vigilantiam præstabit.

De Vicarijs foraneis Regionumque Præfectis constituendis, & eorum officio.

S. V. M. M. A. R. I. V. M.

1. Vicarij foranei constituendi; quibus certæ diœcesis partes attribuenda.
2. Eorum munus quibus deferendum.
3. Id munus inter alia versetur in congregationibus mensuris Parochorum habendis.
4. Quibus tamen mensibus ea minimè haberi permittantur. Quibus item diebus non habeantur. 14.
5. Certæ regula, ea in re, à Metropolitanò præscribenda; & à quibus servanda.
6. Confessio peccatorum à singulis, ante congregationem facienda.
7. Missa priuata à quibus, ubi, & quando celebranda.
8. Missa Conuentualis quando item cantanda.
9. Sermo à quo habendus, & cuius admonitio.
10. Processio ubi agenda.
11. Refectio qualis, & ubi.
Congregationis initio stala oratio de Spiritu sancto recitanda. De Foro Episc. nu. 2.
12. Quæ in congregationibus ipsis tractanda: quæque legenda, & explicanda & à quibus.
13. Eorundem Vicariorum cura præcipua versetur in inquirendis Sacerdotum moribus; & à quibus alijs.
15. Congregationum habentiarum tempus, Dominico die antecedente à Parocho

- Parocho denunciandum: & in quibus populus hortandus.
Indulgentie, congregationis nomine concessa, euulgandae die, qua
Missae illius congregationis celebratur. De Indulgentijs, nu. 17.
Tenor litterarum concessionis eiusdem Indulgentiae. De Constitut.
nume. 45.
16. Quaestiones in eis habitae, explicatae, inexplicatae uel ad Episcopum
mittendae. In certumque librum referendae.
Negligentes in conueniendo, & contumaces in exequendo, ut ple-
cantur. 31.
17. Sacerdotes in Studijs desides Episcopo deferendi.
Regulares, Curati ad easdem congregationes accedant, easque habeant.
De Syn. Dioces. nu. 5.
18. Congregationes priuatae, quibus in locis agenda, quidque in eis tra-
ctandum.
19. Eidem Sacerdotes, & Clerici intersint.
20. Recusantes interesse, Episcopo denunciandi.
Parocho aliquo Congregationis, Regionis uel agrotante, a quo illius
anima & corporis cura suscipienda. De Parochijs, nu. 14.
Eodem mortuo, a quibus funus oberndum, & gratis. Ibid. nu. 55. &
54. ver. Quicumque.
Missaeque priuatae celebranda. Ibid. nu. 54. vers. eius.
Missae Conuentualis, quando item cantanda: quaque in Ecclesia.
Ibidem.
Vicarij foranei Curatos non residentes Episcopo denuncient. De Re-
sidentia, nu. 23.
21. In urbem venientes, de quibus Episcopum doceant.
22. Ipsi Curati obedientiam praestent. Inobedientes Episcopi arbitrio
plectendi. 23.
24. Idem, Episcopi arbitrio, ab officio amouendi.
Videant idem, an scriptum ab homine ignoto allatum, quo testatur
mulierem secum ductam, suam uxorem esse, perfecte probet. De
Adulteris. &c. nu. 3.
Dubium aliquod in eo scripto habentes, scriptum ipsum ad Episcopum
diligentissime mittant. Ibidem. vers. si vero.
In conscribendis actibus sui fori notario carentes, quos, & quot viros
adhibeant. De Cancellario, & Notarijs. 16.
Merces eorum quanta. Ibidem.
Causarum, quae in Episcopali foro aguntur, patrocinium Vicarij ipsi
non suscipiant, neque alij suae familiae. De Foro Episc. nu. 7.
Morum corruptelae loci, quo Concionator mittitur, tempestiue ab eis-
dem illi significanda. De Concionatorib. 19.

Eidem

Eidem concionatori facultatem concedere possunt collectam faciendā inter concionandum. Ibid. nu. 27.

Eorundem Vicariorum diligentia, scholæ Doctrinæ Christianæ vti instituendæ. De fidei initijs, nu. 6.

Vbi verò, ob impedimentum aliquod, ad scholas institutas conueniri non possit, quæ cura alia ab eisdem suscipienda, vt doctrina exerceatur. Ibid. vers. si quando.

Vicarij foranei } que præsent in egrorum cura. Que ad sa-
Præfeti; Regionarij } cram. extr. vncl. pert. nu. 23.

Negligentes curatos, reprehendant, & accusent. Ibid. ver. Quod si Libros Missarum celebrationibus notandis prescriptos, recognoscant. De Missis sine cantu, nu. 24.

Fidei rudimenta ignorantes absque eorundem Vicariorum assensu ad confessionem non admittendi. De fidei initijs, &c. nu. 8.

Obstetricæ ab eisdem probandæ. Que pert. ad sacr. Bapt. 11.

Iidem delegari possunt ad concedendum facultatem retinendi prolem in lecto. De sacramentis in genere, nu. 35.

Item ad recipiendum iuramentum à testibus Synodalibus, à Synodo absentib. De synodo diæces. 28.

Quod eorum officium ante Synodum. Ibid. nu. 9.

Pridie diei eiusdem Synodi in Episcopalibus sedibus iudem adsint, quidque agant. Ibidem. nu. 10.

25 Visitatio anniuersaria Vicarijs foraneis, Regionarijque Præfeti prescripta.

26 Vicarij } iudem, ad Episcopum conueniant hebdomada ante Se-

26 Præfeti; } ptuagesimam, relaturi, &c. 30.

27 Ea ipsa relatio, vt diligentius fiat, congregatio Parochorum habenda, & quid cum illis tractandum.

28 Quod item ea in re singulorum Parochorum officium.

29 Ab anniuersario Vicariorum foraneorum conuentu redeuntes, alteram Parochorum congregationem habeant.

31 Congregatio alia feria secunda, post octauam Resurrectionis habenda, & quid in ea tractandum.

32 { Visitatio, } eorundem Vicariorum, & Præfectorum non con-
Conuentus, } tenda, etiam si Synodus non habeatur.
Aliaque }



V Episcopus in vrbe etiam externum gregem facilius, quasi praesens intueri, & curare possit; deligat aliquot probatos Sacerdotes, quibus singulis, imposito Vicarij foranei nomine, tribuat certas regiones diocesis suae.

2. De Vicarijs for. constit.

2 Id autem munus ad Archipresbyteros, Archidiaconos, qui in diocesi sunt, & Praepositos, aliosue Ecclesiastica dignitate praeditos, quos idoneos iudicauerit, potissimum deferet. Sin minus, ad alios Rectores, qui apti sint ad huiusmodi officium.

3 Hi autem Vicarij regionis, sibi per Episcopum commissae, presbyteros cuiuscumque conditionis, curam animarum habentes, semel singulis mensibus modo in vnam, modo in aliam eius regionis Parochialem Ecclesiam cogant. Idque in orbem eodem ordine semper faciant.

4 Pro locorum, & temporum ratione id ab Episcopo suis diocesanae Parochis permitti, concediue liceat, vt Decembri, & Ianuario mensibus, ob diuturnam breuitatem, itineris difficultati coniunctam, Sacerdotes illos conuentus ipsi non habeant, quos primo Prouinciali Concilio in singulos menses haberi decreuimus; ita tamen vt alijs deinceps mensibus, quibus commodius haberi poterunt, resarciatur, & praestentur, qui quid intermissum est, frequentioribus conuentibus, & omnia diligenti ratione.

4. De Parochijs, & par. vir. & off.

5 His autem conuentibus, vel in vrbe, vel in diocesi habendis, certas regulas, quae partim in superioribus Concilijs Prouincialibus eo de genere decreta sunt, partim ordinem, ac recte adiungenda videbuntur, ad communem Prouinciae usum per nos praescribendas, atque edendas, tum Parochi, tum alij, ad quos executio spectat, seruent, atque exequantur diligenter.

6. 7 Pridie eius diei, quam in vnum locum conueniant, peccata sua omnes confiteantur: sequenti die in ea Ecclesia, in qua coacti fuerint, Missam singuli celebrent.

1. Ibid.

8. 9 Tum vniuersi in Choro Missam Conuentualem pro mortuis, vel de sancto Spiritu, solemni more cantent: in qua eorum aliquis, a Vicario prius admonitus, Concionem ad populum habeat.

10. 11 Confectis sacris, & habita processione circa Cemiterium, orationibusque consuetis, in domo Rectoris illius Ecclesiae, vnico tantum ferculo contenti, ea, qua decet modestia, & charitate cibum capiant.

12 Deinde conferant inter se, quae ad boni pastoris officium, & ad curam animarum recte gerendam pertinent: & consulant de difficultatibus, & incommodis suae Parochiae; quorum explicatio vel remedium, aliorum consilium, & operam requirat.

Iidem.

Iidem autem Vicarij libellam de casibus conscientie, Episcopis ac Sedi Apostolicæ referuatis, Metropolitanæ cura edendum, reliquis Sacerdotibus legent; & aliquot capita, tum harum Constitutionum, tum earum quæ in Synodo Diocæsana decernentur, simulque quædam ex probata summa de casibus conscientie explicabunt.

13. Præcipue autem de presbyterorum vita, & moribus quarant, & quales se in Pastoralis præbeant cura.

An eorum culpa diuinus in Ecclesia cultus desideretur.

An re ipsa præstentur ea, quæ Episcopi, vel alij eorum nomine in Ecclesiarum necessitatem, earumue reparationem impendi iussent.

An libros habeant, quos ex decreto nostro habere debent.

An reliqua in hac Synodo decreta sententur.

De his omnibus, & si quid propriè mandarit Episcopus, deque alijs, quæ ad vilitatem animarum Episcopi cognitionem desiderant, ipsum per litteras diligenter certiore faciant.

14. Ut quæ de Sacerdotalibus conuentibus, in diocesi habendis, semel superiori Concilio præscripta sunt, ea, quò ad eius fieri potest, rectè, atque ordine gerantur, hæc ei addenda censuimus.

Nè Sacerdotum Conuentus festis ijs diebus habeantur, quos coli Ecclesia præcepto institutum est; nec verò illis diebus, quorum præcipua celebritas in locis agitur, vbi is conuentus ijs ipsis diebus summus esset.

15. Parochus verò Ecclesia, in qua eiusmodi congregatio futura est, die Dominico, qui illam proximè antecedit, eius habende tempus populo significet; cumque hortetur, vt illo ipso, die ad Ecclesiam conueniat, tum vt orationum, quæ, & pro viujs, & pro mortuis ibi fient, particeps sit, ac indulgentiam dierum quadraginta consequatur, quam ab vnoquoque Episcopo in sua diocesi illis concedendam decernimus, qui diuinis officijs, tunc celebrandis, intererunt; tum etiam, vt sacram Concionem audiat, quæ eo tempore in Missa celebratione habeatur.

16. Quæ verò questionum explanationes singulis mensibus habitæ in ijs ipsis Conuentibus erunt; & si quæ præterea quæstiones in illis ipsis disputationibus inciderint, quæ non satis tunc explicatæ sint; eas omnes litteris consignatas, Vicarij foranei quàmprimùm ad Episcopum mittant; cuius iudicio illæ, vel explicatæ, vel comprobatæ in Codice eius rei nomine confectum, quæ Vicarius foraneus custodiat, referatur.

17. Ex eorum Conuentuum progressu si Vicarij foranei animaduertent, Sacerdotes quosdam ad Doctrinæ studia, in quibus maximè versari debent, desidiam quandam, vel negligentiam adhibere; eos ad Episcopum deferant, cuius auctoritate illorum culpæ, vt opus erit, occurratur.

18 Ut autem in ijs studiorum exercitationibus vnusquisque Sacerdos maiores progressus habere possit; in qua Parochia quinque saltem Sacerdotes erunt, eos in singulas hebdomadas bis ad priuatas inter se studiorum disceptationes Parochus conuocet: in quibus vel aliquam Catechismi Romani lectionem tractent; vel quaestiones aliquas de Conscientiæ casibus explicent; vel huius, superiorisue Concilij Provincialis, aut Diocesanae Synodi, quam eorum Episcopus habuerit, partem aliquam studiosè legant. Quod si ei Parochia propè erit aliquod Regularium Monasterium, vbi aliquis sit, ad sacrarum litterarum, Ecclesiasticarumque rerum explicationem aptior, curent etiam illius opera, atque studio adiuuari.

19 Ad has priuatas Sacerdotalis studij exercitationes Clericos etiam, qui intrà illius Parochiæ fines habitant, adhibeant; vt eos rerum Ecclesiasticarum cognitione instructiores in Ecclesijs habeant.

20 Quicumque verò huic priuato Conuentui interesse recusarit; eum Parochus ad Episcopum deferat, qui, quo maximo poterit, studio curet, vt huic decreto obtemperetur.

21 Quoties in urbem venerint, primum Episcopum adeant; deque eorum stat, qui sibi commissi sunt, accuratè doceant. 1. de Vic. for. const.

22 Curati verò quicumque etiam si quauis dignitate præditi, in ijs, quæ ad officium suum spectant, Vicarijs, quos diximus, obtemperent.

23 Quod, si aliqui ad conueniendum negligentes, vel ad mandata eorundem Vicariorum exequenda contumaces fuerint; Episcopi in illos pro modo culpæ animaduertant.

24 Hi autem Vicarij voluntate Episcopi ab officio amoueri semper possint; ac si malè id administrarint, pœnas dent, eiusdem Episcopi iudicio.

25 Quò diligentius, atque ad eò accuratius, & in vrbe ij, quos vni-
cuique regioni Episcopus præfecerit, & in Diocesi Vicarij foranei m-
neris, atque officij sibi commissi partes exequantur: quo item crebrius,
ac vigilantius Diocesis status, cui assidua pastoralis speculatione pro-
spiciendum est, exploratus ipsi Episcopo sit, atq; cognitus, cum ex om-
ni alia ratione, tum ex eo, quod illi certo anni tempore, ad ipsum stu-
diosè referant, non solum quæ de Synodo Diocesana decreto genera-
tim, vniuersèque præscripta sunt; verùm etiam quæcumque sigillatim,
ac præcipuè, pro temporum ratione idem Episcopus illis præscribenda
censerit; in hoc genere ità consultum sit, vt illi in Ciuitate, in Dioc-
esi que Vicarij foranei, in sua quique regione commissa præter illam
in suo munere gerendo curam, suasque frequentiores per annum visi-
tationes præterque Episcopi, & Episcopaliū visitatorum in visitan-
do diligentiam, ipsi etiam singulari, accurata, diligentique ratione vi-
sitatio.

5. Quæ ad
Synodū, Cō-
gregationes-
que alias Cle-
ricales & Vi-
sitat. attin.

sitationem concedite sibi regionis cumulatius, exactiusque obeant, à die sancti Martini, usque ad diem festum ordinationis sancti Patris nostri Ambrosij. Si quis verò, vel pro regionis, quæ sibi commissa est, magnitudine, vel alia causa ad statæ visitationis munus longiori tempore opus habeat, ei integrum, ac liberum sit, aliquot ante præscriptum tempus diebus visitationis suæ initium facere.

26 Vicarij autem foranei singuli, pro ratione, tum eo decreto generalitè præscripta, tum ab Episcopo sigillatim præscribenda, de regione, quæ vniuscuiusque eorum Vicarij curæ demandata est, ad eundem relaturi, in Ciuitatem quotannis hebdomadæ ante Dominicam in Septuagesima penultimæ; duodecimo scilicet ante eius Dominicæ celebritatem die, summo mane in Episcopales ædes ad illum conueniant. Id verò, nisi aliquando ob temporis, quod inter Epiphaniam, & Septuagesimam incurrit, breuitatem, aut aliam ob causam, eum Vicariorum Conuentum, alio commodiori tempore habendum esse, per litteras Episcopales significatum sit.

27 Quò diligentius verò relationem singuli Vicarij præstent; id sub fidij sibi comparent, vt, antequàm statim conuentus dies veniat, congregationē Parochorum suæ quique regionis habeant, à quibus quæcumque vel vniuersè, vel nominatim præscripta sunt, diligenter animaduertant, & colligant.

38 Parochorum propterea curæ sit, certo ante conuentualem diem tempore videre, atque exquirere suarum Parochiarum, Parochialiumuè hominum statum, vitam, & mores. Si quæ verò animaduertent, quibus salutariter consuli, aut prouideri oporteat, ea sigillatim, & ordine descripta, suo quique Vicario tradant, vt ad conuuentum tempus Episcopo referant.

29 Vbi à Conuentu, qui anniuersarius ipsis Vicarijs statò die indictus est, ad suam quique Ecclesiam redierunt, statim quique suæ regionis Parochorum Congregationem iterum habeant de ijs, quæ ab ipsis, vel Synodi proximè celebrandæ, vel alterius rei causa agi, prælatiuè monuerit, aut iusserit Episcopus.

30 Constituti verò in Vrbe ab Episcopo regionum præfecti, quæcumque ad præscriptam illam rationem eidem referenda sunt, ea tum diligenti statæ visitationis cura, tum Parochorum, quorum paulò ante relationis diem congregationem habebunt, adiumento vsi, post, referent, quàm Vicariorum foraneorū dimissa erit constituta congregatio.

31 Feria præterea secunda post octauam Resurrectionis Domini, si dies festus non est, sin minus, proximo primo feriali die, quo solemniter officium non fit, idem tum præfecti regionum in Vrbe, tum Vicarij foranei congregationem iterum habeant; in qua, & à Parochis etiam

etiam colligant, & inter se item videant, si qua reliqua sunt, quæ post illum conuentum, qui ante Dominicam in Septuagesima habitus est, inciderint; quæ item ad Episcopum ante Synodi diem referri oporteat: qualia sunt de ijs, qui proximo Pascha confessi non communicarint, & de alijs, quæ ad eundem deferenda sint.

32 Sin autem aliqua de causa ad constitutam eam diem Synodus non habebitur; nè propterea per illos omittatur, quin & præscriptam visitationem diligenter obeant; & ante Dominicam Septuagesimæ ad Episcopum conueniant; & singula alia præstent, vt supra, vel illis omnibus vniuersè, vel nominatim, præcipueque Vicarijs foraneis constitutum est: & tertia etiam post Pascha Resurrectionis Domini hebdomada ad præscriptum eidem Episcopo, cum præfecti de scripto referant, ac tradant; tum ij Vicarij singula mittant.

FINIS QUARTI LIBRI.

